

յեանսն ընկենուին, համակ ասէին՝ թէ Ա՛ռ Արշակ, եւ նա չէր ի մէջ նոցա, եւ նոքա առ գուբ տիրասիրութեանն՝ զոր առ բնակ տերն իւրեանց ունէին, զամենայն ախոյեանսն՝ զոր սպանանէին՝ նմա նուիրէին: 26 Եւ կամ մոլեկան գունդն Մուշեղեան, զի ինձ այսպէս թուեր՝ եթէ հուր բոց ի գնդէն ելանիցեր եւ ի նշանացն, իբրեւ ի հուր հրդեհի այնպէս անցաներ ընդ գունդն որպէս բոց ընդ եղէգն: 27 Եւ այսչափ ժամանակք են՝ զի Արշակ տերն նոցա ի նոցանէն կորուսեալ է, զի յԱնդմշն բերդի կայ յերկրին հուժաստանի, եւ նոքա առ գուբն համարէին՝ թէ ի գլուխ նոցա նա իբրեւ թագաւոր կայցէ, եւ կամ ընդ նոսա արդեւք ի մէջ գնդին կայցէ ի գլուխ ճակատուն պատերազմին, եւ նոքա առ նմա անիցեն պաշտաւն յանդիման նորա: 28 Այլ, ասեր, երանի՛ որ Յայոց գնդին տեր իցէ, այնպիսի տիրասեր եւ միաբան միամիտ զաւրացն:

## ԳԼՈՒԽ 2.

1 Յաղագս Դիակայ մարդպետի՝ զոր կացուցին սահմանակալ, եւ նա խորհրդակից եղեալ Պարսից թագաւորին, թէ ո՛րպէս խոստանայր մատնել զարքայն Յայոց. եւ վասն մահուն Դիակայ ի Պապայ արքայէ:

2 Ապա Տերէնտ զաւրավարն զաւրացն Յունաց եւ Մուշեղ զաւրավար զաւրացն Յայոց գԴիակ մարդպետ, որ անուանեալ կոչէր ըստ գործոյն՝ հայր թագաւորին, թողին զնա սահմանապահ ի Գանձակ՝ որ էր սահման ընդ Պարս եւ ընդ Յայս: 3 Եւ մնաց առ նմա երեսուն հազար ընտիր ընտիրք, նիզակաւորք կուռ վառեալք պատեզէք<sup>1</sup> եւ զրահաւորք կազմ ամենայնիւ: 4 Եւ Տերէնտն եւ Մուշեղ ամենայն զաւրաւք, որ էին ընդ նոսա, գնացին յաշխարհն առ թագաւորն Պապ: 5 Իսկ մարդպետն Դիակ յղեր հրեշտակս խորհրդով առ Շապուհ արքայն Պարսից, եւ խոստանայր մատնել ի ձեռս նորա զթագաւորն Յայոց Պապ, եւ զզաւրավարն Յունաց զՏերէնտն, եւ զզաւրավարն Յայոց զՄուշեղ, եւ ամնոյր ի նմանէ գանձս պարզեաց սաստիկ յոյժ: 6 Բայց այլ մեծամեծ նախարարք, որ էին առ նմա, զաղտ ազդ ամնէին թագաւորին Պապայ, Գնէլն՝ տեր գաւառին Անձեւացեաց, եւ այլք որ էին անդ մնացեալ:

7 Ապա թագաւորն Պապ յղեաց դեսպանս առ մարդպետն Դիակ, թէ զաւրքդ՝ որ են ընդ ձեռամբ քով՝ գումարեա զայդ, Գնէլոյ Անձեւացոյ յանձն արասցես, եւ վաղ եկեսցես. զի պիտոյ է ինձ յղել գքեզ առ թագաւորն Պարսից Շապուհ, զի ես մտից նմա ի ծառայութիւն: 8 Ապա յորժամ լսեր մարդպետն Դիակ, մեծապէս խնդացեալ՝ ասեր ընդ միտս իւր, թէ արդ դիւրին ինձ զկամս իմ կատարել, զոր խոստացայն թագաւորին Պարսից Շապիոյ, յորժամ դուրս գտի իրացս յապահով յանհոգս ամնել բանիւք զՊապ, եւ յան-

1 *Յօրինակի միում՝ պատենազէք*